



Nikolaj Jeremiassen
Inatsisartunut ilaasortaq
Inatsisartut
/MAANI

INDGÅET

- 9. APR. 2015

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

§ 37 naapertorlugu apeqqut nr. 2015-085-imut akissut

Inatsisartut suleriaasianni § 37, imm. 1 naapertorlugu aalisarneq pillugu Naalakkersuisunut apeqquteqarsimavutit. Apeqqutit uannut akissangorlugit innersuunneqarsimapput.

Apeqqut:

1. Nunatsinni aalisartutut piniartutullu inuussutissarsiuteqartuarsimasut assigiinngitsunik pissuteqartumik pisamikkut kinguarsiimasut aalisaartuinnarsinnaanerannik pinartuinnarsinnaanerinilluunniit nalilersorneqartalernissaannik siunniussa q Naalakkersuisut pissusissamisoortutut isigaat?
2. Saarullinniarnermi pisarisuukkat qalerallit aalisartunut qaleralinniarnissamut akuersissuteqanngitsunit tunineqaqqusaannginnerat iluarsiniarlugu Naalakkersuisut iliuseqassamaarpat?

Akissut:

1)-mut

Naalakkersuisunut pingaartuuvoq, qulakkiissallugu aalisartuutivut piniartuutivullu inuussutissarsiumminnik ingerlatsinissaminnut pitsaanerpaanik atugassaqartinnissaat. Aalisarneq inuussutissarsiutitta annersaraat isertitaqarfiunerpaasarlunilu, piniarnermik inuussutissarsiuteqarneq neqinik nutaanik pilersuinermit atatillugu pingaartuuvoq nunatta kulturianut ileqqutoqqatsinnullu qanimut atasuulluni. Aalisarnermik piniarnermillu inuussutissarsiut nunatsinni suliffeqarfipparujussuarnut toqqammaviliivoq. Taamaattumik Naalakkersuisut eqqarsaatigisinnaanngilaat aalisarnermik piniarnermillu inuussutissarsiuteqarneq, taamatut inuussutissarsiummik ingerlatsinissamut naammaginatunuk atugassaqartinneqanngitsoq. Ilanngullugu Naalakkersuisunut pingaartuuvoq inuussutissarsiutit piujuartitsinissamik periuseq eqqarsaatigalugu ingerlanneqarnissaa, taamaasilluni kinguaariit aggersut aamma pinngortitap pisuussutaanik nuannaaruteqarsinnaaniassammata. Taamaattumik Naalakkersuisut taamaallaat naleqqussorivaat, aalisartortavut piniartortavullu pitsaanerpaarpaanik atugassaqarlutik inuussutissarsiumminnik ingerlatsinissaat. Tamatuma kinguneraa, aalajangersimasumik naliliinerit tamarmik naammaginatunuk toqqammaveqarluni suliarineqartarnissaat. Naalakkersuisunit pilersaarutit eqqartorneqartut ilisimasaqarfigineqanngillat.

2)-mut

Naalakkersuisunit ilisimasaqarfigineqanngilaq, sinerissamut qanittumi saarullinniarnermi qaleralinnik pisarisuukkanik ajornartorsiuteqartoqarnissaa. Avataasiarluni saarullinniarneq eqqarsaatigalugu qaleralinnik pisarisuukkanik aamma ajornartorsiuteqartoqanngilaq. Qaleralinnik pisarisuugaqaraanni

25-03-2015
Suliap normua. 2015-113343
All. nr. 1925919

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apnn@nanoq.gl
www.naalakkersuisut.gl

qaleralinniarsinnaanermullu aalisarsinnaanermik akuersissuteqarani, saarullinniarnermi annertunerpaanik 10%-imik akuerineqarsinnaasunik piasarisuugaqarsinnaaneq pillugu nalinginnaasumik piasarisuukkat pillugit malittarisassat atuupput.

Inussiarnersumik inuulluaqqusillunga

Karl-Kristian Kruse